

Član 7.

Rješenja o koeficijentima za plaće državnih službenika i namještenika donijet će u roku od 30 dana od dana donošenja Pravilnika o plaćama i naknadama.

U rješenjima iz prethodnog stava odredit će se datum početka njihove primjene i to najkasnije od 01. januara 2006. godine.

Član 8.

Stupanjem na snagu ove Odluke o davanju saglasnosti na Pravilnik o unutrašnjoj organizaciji Jedinственог опćinskog organa uprave i posebnih službi Općine Hadžići broj 01-05.1-4274/05 od 29. 4. 2005. godine i stavlja se van snage Odluka o utvrđivanju platnih razreda i koeficijenata za plaće državnih službenika i namještenika u službama Općine Hadžići ("Službene novine Kantona Sarajevo", broj 20/05).

Član 9.

Ova Odluka stupa na snagu danom objavljivanja na oglasnoj tabli Općine Hadžići, a naknadno će se objaviti u "Službenim novinama Kantona Sarajevo".

Broj 01-14.5-9105/05
23. decembra 2005. godine
Sarajevo

Predsjedavajući
Općinskog vijeća Hadžići
Nijaz Musić, s. r.

Na osnovu člana 32. Statuta Općine Hadžići - Prečišćeni tekst ("Službene novine Kantona Sarajevo", broj 29/05) i člana 27. Zakona o lokalnoj samoupravi ("Službene novine Kantona Sarajevo", broj 22/00), Općinsko vijeće na 11. sjednici, održanoj dana 22. decembra 2005. godine, a na prijedlog Komisije za izbor i imenovanje, donosi

ODLUKU

**O PLAĆI I NAKNADAMA OPĆINSKOG NAČELNIKA
OPĆINE HADŽIĆI**

Član 1.

Općinsko vijeće utvrđuje visinu koeficijenta za:

- općinskog načelnika 15,00 sa položajnim dodatkom od 20% od njegove plaće

Član 2.

Stupanjem na snagu ove Odluke prestaje da važi Odluka o plaćama i naknadama općinskog načelnika Općine Hadžići, broj 01-34.4-4746/05 od 1. 6. 2005. godine.

Član 3.

Odluka stupa na snagu danom donošenja, a primjenjivat će se od 1. januara 2006. godine, a objavit će se u "Službenim novinama Kantona Sarajevo".

Broj 01-14.5-9108/05
23. decembra 2005. godine
Hadžići

Predsjedavajući
Općinskog vijeća Hadžići
Nijaz Musić, s. r.

Na osnovu člana 44. Zakona o prostornom uređenju ("Službene novine Kantona Sarajevo", broj 7/05) i člana 32. Statuta Općine Hadžići - Prečišćeni tekst ("Službene novine Kantona Sarajevo", broj 29/05), Općinsko vijeće Hadžići na Jedanaestoj sjednici, održanoj 22. decembra 2005. godine, donosi

ODLUKU

**O USVAJANJU REGULACIONOG PLANA "DONJI
HADŽIĆI II I III - GAROVCI"**

Član 1.

Usvaja se Regulacioni plan "Donji Hadžići II i III - Garovci" (u daljnjem tekstu: Plan).

Član 2.

Plan se sastoji od tekstualnog i grafičkog dijela.

Tekstualni dio sadrži:

- Odluku o provođenju Regulacionog plana "Donji Hadžići II i III - Garovci";
- tekstualni dio plana.

Grafički dio sadrži:

- Urbanizam prezentiran na odgovarajućem broju tematskih karata;
- Idejno rješenje elektroenergetike i javne rasvjete;
- Idejno rješenje hortikulture;
- Idejno rješenje snabdijevanja vodom i odvođenjem otpadnih voda;
- Idejno rješenje toplifikacije i gasifikacije;
- Idejno rješenje saobraćaja.

Član 3.

Po jedan primjerak ovjerenog elaborata nalazi se na stalnom javnom uvidu i čuva se u službi dokumentacije Općine Hadžići i Zavodu za planiranje razvoja Kantona Sarajevo.

Član 4.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-23.1-9118/05
22. decembra 2005. godine
Hadžići

Predsjedavajući
Općinskog vijeća Hadžići
Nijaz Musić, s. r.

Na osnovu članova 17. 47. i 52. Zakona o prostornom uređenju ("Službene novine Kantona Sarajevo", broj 7/05) i člana 32. Statuta Općine Hadžići - Prečišćeni tekst ("Službene novine Kantona Sarajevo", broj 29/05), Općinsko vijeće Hadžići, na jedanaestoj sjednici, održanoj 22. decembra 2005. godine, donosi

ODLUKU

**O PROVOĐENJU REGULACIONOG PLANA "DONJI
HADŽIĆI II I III - GAROVCI"**

Član 1.

Ovom Odlukom utvrđuje se provođenje REGULACIONOG PLANA "DONJI HADŽIĆI II I III -GAROVCI" (u daljnjem tekstu: Plan), a naročito: granice prostorne cjeline i granice površina raznih namjena, urbanističko-tehnički uslovi za izgradnju građevina i uređenje građevinskog zemljišta, uređenje zelenih i slobodnih površina, te odnosi prema postojećim objektima kao i djelatnosti i uslovi pod kojima se pojedine djelatnosti mogu obavljati u proizvodnim prostorima.

Član 2.

Granica obuhvata počinje sa tromede parcela k.č. 895, 159 i 1777 (put) K.O. Hadžići ide na sjevero - zapad međama parcela k.č. 159, 160, i 163 (obuhvata ih), skreće na sjever idući zapadnim međama parcela k.č. 163, 179, 180 (obuhvata ih), produžava na sjeverozapad idući međama parcela k.č. 210 i 208 (obuhvata ih), presijeca put k.č. 1772 i nastavlja na sjeverozapad idući međama parcela k.č. 260, 261 i 274 (obuhvata ih) i izlazi na Garovački potok k.č. 1771 kojim nastavlja uzvodno na sjeverozapad (obuhvata ga), skreće na sjeveroistok idući međama parcela k.č. 47, 46/1, 44 i 38 (obuhvata ih), produžava na sjeveroistok sijekući parcelu k.č. 39 idući preko izvora Vinica, produžava na jugoistok idući međama parcela k.č. 39, 40/1 i 57 (obuhvata ih), nastavlja u pravcu istoka, idući međama parcela k.č. 58, 60, 63, 65, 64/1, 68/1, 68/4, 71/2 i 70 (obuhvata ih), produžava na sjeveroistok idući međama parcela k.č. 99, 104, 102 i 101 (obuhvata ih) K.O. Donji Hadžići, 879/1, 877, 875 i 873 (obuhvata ih) K.O. Binježevo i izlazi na put k.č. 1185 kojim nastavlja na sjeveroistok (obuhvata ga), skreće na istok idući sjevernom međom parcele k.č. 892 (obuhvata je) K.O. Binježevo i izlazi na rijeku Zujevinu k.č. 1190 kojom uzvodno produžava na jugozapad idući njenim regulacionim tokom (obuhvata je) i dolazi do mosta preko kojeg prelazi put k.č. 1778 K.O. Donji

Hadžići, produžava na jugozapad idući putem k.č. 1777 (obuhvata ga) te dolazi do tromede odnosno mjesta odakle je opis granice i počeo.

Sve naprijed navedene parcele nalaze se u K.O. Hadžići, Donji Hadžići i Binježevo.

Ukupna površina obuhvata iznosi 29,3 ha.

Član 3.

U sklopu obuhvata ovog plana definisane su zone sa sljedećim namjenama:

- A. Zona privrede i malih preduzeća 1 i 2 8,8 ha
- B. Stambenoposlovno-proizvodne zone 1, 2 i 3. 12,7 ha
- C. Koridor magistralnog puta M 17 2,4 ha
- D. Koridor regulisanog korita rijeke Zujevine 2,3 ha
- E. Naseljske saobraćajnice 3,1 ha

A. Zona privrede i malih preduzeća

Zona privrede i malih preduzeća broj 1 obuhvata područje čija granica polazi od tromede parcela k.č. 152/3, 152/2 i 150/2 K.O. Hadžići ide na sjeverozapad uz trasu projektovane saobraćajnice koju ne obuhvata a koja ide preko parcela k.č. 150/2, 150/1, 149, 148, 145, 144, 141, 140/1, 139, 131, 128/2, 129 i 124, skreće na sjeveroistok idući uz trasu projektovane saobraćajnice koju ne obuhvata a koja ide preko parcele k.č. 123, skreće na zapad idući uz trasu projektovane saobraćajnice koju ne obuhvata a koja ide preko parcela k.č. 123, 119, 108, 1771 (potok), 107, 106/2, 106/1, 105, 104, 99, 98, 97, 71/1, 72/1, 68/1, 64/1, 62, 60, 59 i 58, skreće na sjeveroistok te istok idući međama parcela k.č. 58, 60, 63, 65, 64/1, 68/1, 68/4, 71/2, 70, 99, i 103 (obuhvata ih), presijeca put k.č. 102 te nastavlja na sjeveroistok idući međama parcele k.č. 101 K.O. Hadžići, 879/1, 877 i 873 K.O. Binježevo (obuhvata ih) i izlazi na put Sarajevo - Hadžići kojim produžava na jugozapad idući uz njegov zaštitni koridor (ne obuhvata put), skreće na zapad idući uz trasu projektovane saobraćajnice koju ne obuhvata a koja ide preko parcele k.č. 152/3 te dolazi do tromede parcela k.č. 152/3, 152/2 i 150/2 odnosno mjesta odakle je opis granice zone privrede i malih preduzeća broj 1 i počeo.

Sve naprijed navedene parcele nalaze se u K.O. Hadžići i Binježevo.

Ukupna površina obuhvata iznosi 6,3 ha.

Zona privrede i malih preduzeća broj 2 obuhvata područje čija granica počinje od tromede parcela k.č. 76/1, 74 i 77 K.O. Donji Hadžići ide na jugozapad te zapad uz zaštitni koridor trase projektovane saobraćajnice koju ne obuhvata a koja ide preko parcela k.č. 74, 73, 68, 66/4, 66/3, 66/1, 67/1, 67/2, 82, 83 (put), 94 i 87 i dolazi do mjesta gdje naprijed navedena trasa puta tangira put Sarajevo-Hadžići k.č. 1778, lomi se idući na sjeveroistok uz zaštitni pojas puta Sarajevo-Hadžići kojeg ne obuhvata, skreće na istok idući sjevernom međom parcele k.č. 892 (obuhvata je) i izlazi na trasu regulisanog korita rijeke Zujevine, lomi se idući na jugozapad uzvodno lijevom obalom regulisanog korita rijeke Zujevine (ne obuhvata rijeku) lomi se idući na sjeverozapad sjevernom međom parcele k.č. 60 koju ne obuhvata i izlazi na trasu projektovane saobraćajnice kojom produžava na jugozapad ne obuhvata je a koja ide preko parcela k.č. 57, 75, 76/2, 76/1 te dolazi do tromede odnosno mjesta odakle je opis granice zone privrede i malih preduzeća broj 2 i počeo.

Sve naprijed navedene parcele nalaze se u K.O. Donji Hadžići.

Ukupna površina obuhvata iznosi 2,5 ha.

B. Stambenoposlovno-proizvodne zone

Stambeno - poslovno - proizvodna zona broj 1 obuhvata područje čija granica polazi od tromede parcele k.č. 159, 895 i 1778 (put Sarajevo-Hadžići), ide na sjeverozapad te sjever međama parcela k.č. 159, 160, 163 i 179 (obuhvata ih), nastavlja na sjeverozapad idući međama parcela k.č. 180, 210 i 208 (obuhvata ih), presijeca put k.č. 1772 te nastavlja na sjeverozapad idući međama parcele k.č. 260, 261 i 274 (obuhvata ih) izlazi na

Garovački potok k.č. 1771 kojim uzvodno ide na sjeverozapad (obuhvata ga), lomi se idući na sjever zapadnim međama parcela k.č. 47, 44, 43, 42 i 39 (obuhvata ih) lomi se idući na jugoistok uz trasu projektovane saobraćajnice koju ne obuhvata a koja ide preko parcela k.č. 47, 48, 49, 56, 1771 (potok) 272, 270, 267, 269, 265, 187, 188, 186, 185, 184, 1777, 157/3, 152/2 i 153 te izlazi na trasu puta Sarajevo-Hadžići k.č. 1778 lomi se idući na jugozapad uz trasu puta Sarajevo - Hadžići kojeg ne obuhvata te dolazi do tromede odnosno mjesta odakle je opis granice Stambenoposlovno-proizvodne zone broj 1 i počeo.

Sve naprijed navedene parcele nalaze se u K.O. Hadžići.

Ukupna površina obuhvata iznosi 5,5 ha.

Stambeno - poslovno - proizvodna zona broj 2 obuhvata područje čija granica polazi sa tromede parcela k.č. 98, 100 i 94, ide na sjeveroistok uz trasu projektovane saobraćajnice koju ne obuhvata a koja ide preko parcela k.č. 100, 104, 105, 106/1, 106/2, 107 i 1771 (potok) lomi se idući na jugozapad uz trasu projektovane saobraćajnice koju ne obuhvata a koja ide preko parcela k.č. 108, 119 i 118, skreće na sjeverozapad idući uz trasu projektovane saobraćajnice koju ne obuhvata a koja ide preko parcela k.č. 118, 116, 112, 111, 109/1, 109/3, 86, 1777 (put), 84, 83, 82, 80, 79, 54, 55, 49, 47, 45, 46/2, 46/1, 44 i 39 lomi se idući na jugoistok uz trasu projektovane saobraćajnice koju ne obuhvata a koja ide preko parcela k.č. 39, 38, 40/2, 57, 62, 63, 64/1, 64/2, 72/1, 72/2, 71/1, 97, 98 i 94 i dolazi do tromede parcela k.č. 94, 98 i 100 odnosno mjesta odakle je opis granice Stambenoposlovno-proizvodne zone broj 2 i počeo.

Sve naprijed navedene parcele nalaze se u K.O. Hadžići.

Ukupna površina obuhvata iznosi 4,7 ha.

Stambeno - poslovno - proizvodna zona broj 3 obuhvata područje čija granica polazi od tromede parcela k.č. 66/5, 66/4 i 68 ide na sjeveroistok uz trasu projektovane saobraćajnice koju ne obuhvata a koja ide preko parcela k.č. 68, 73, 72 ide na sjeveroistok uz trasu projektovane saobraćajnice koju ne obuhvata a koja ide preko parcela k.č. 74, 72, 62/3, 59 i 60 skreće na jugoistok idući međom parcele k.č. 60 (obuhvata je) i izlazi na trasu regulisanog korita rijeke Zujevine, lomi se idući na jugozapad uzvodno lijevom obalom regulisanog korita rijeke Zujevine koju ne obuhvata i dolazi do njenog raskršća sa putem Sarajevo - Hadžići, lomi se idući na sjeveroistok uz trasu puta Hadžić - Sarajevo kojeg ne obuhvata, produžava na sjeveroistok idući uz trasu projektovane saobraćajnice koju ne obuhvata a koja ide preko parcela k.č. 89, 87, 94, 83, 95, 98, 97, 101, 107, 107/2, 108/2 i 66/4 te dolazi na tromedu odnosno mjesta odakle je opis granice Stambenoposlovno-proizvodne zone broj 3 i počeo.

Sve naprijed navedene parcele nalaze se u K.O. Donji Hadžići.

Ukupna površina obuhvata iznosi 2,5 ha.

Član 4.

Urbanističko-tehnički uvjeti za izgradnju građevina:

- Građevinske parcele utvrđene su idejnim planom parcelacije odnosno regulacionim linijama koje u osnovi određuju granice posjeda. Granice parcela ne mogu prelaziti regulacionu liniju.
- Građevinska linija utvrđuje graničnu liniju objekta u odnosu na javnu površinu, ulicu, vodotok ili druge građevine od kojih mora biti odvojena zbog funkcionalnih, estetskih ili zaštitnih razloga. Nijedan dio građevine ne može preći ovu liniju.
- Lociranje novoplaniranih arhitektonskih građevina izvršiti unutar utvrđenih građevinskih linija pri čemu nijedan dio građevine ne smije preći ovu liniju.
- Ukoliko je neophodna realizacija više građevina unutar prostora građevinske parcele onda distanca između njih mora biti minimalno jednake visine naspramne fasade nižeg objekta računajući od tla do vijenca objekta, ali ne manje od 5,0 m radi zadovoljavanja protivpožarne zaštite.
- Postojeći stambeni objekti u okviru stambeno-poslovne zone i zone rada i male privrede se mogu rekonstruisati ili zamijeniti novim u korist prostora namijenjenog maloju

privredi ili poslovnoj namjeni zadržavajući jednu stambenu etažu.

Ukoliko se radi o novoizgrađenim objektima njihovo lociranje izvršiti unutar utvrđene građevinske linije.

- Investitori u zoni rada i male privrede mogu graditi objekat pod istim uvjetima kao iz prethodnog stava, što znači da može predvidjeti na jednoj etaži stambeni prostor a ostale etaže moraju imati namjenu privredno-poslovnih sadržaja.
- Nivelacione kote poda prizemlja građevine ispred ulazne kapije u kompleks u odnosu na saobraćajnicu utvrdiće se na osnovu nivelacionih kota saobraćajnica datih u planu i moraju biti od istih uvećane za minimalno 15,0 cm. Visina poda prizemlja može biti i veća radi zahtjeva transportnih sredstava, ali ne može biti viša od 120,0 cm.
- Priključak na javni put i mrežu instalacija treba u svakom konkretnom slučaju posebno projektovati, a u skladu sa planom. Obavezno je projektovanje brojila za sve vrste instalacija i njihovo ugrađivanje za potrebe svakog potrošača.
- Visina novih objekata u zoni rada i male privrede je maksimalno 12,0 m a u stambeno-poslovnoj zoni maksimalno 9,0 m računajući od kote terena do strehe. Ukoliko je potrebno postavljanje odgovarajućih instalacija (kranova, vodotornjeva..) ova visina može biti i veća.
- Uslovi za arhitektonsko projektovanje i oblikovanje je primjena savremenih dostignuća i materijala u arhitekturi poslovnih i privrednih objekata. Gdje god je to moguće primjenjivati kose krovove.
- Pomoćni objekti (nadstrešnice, magacini, garaže..) mogu biti realizirane od čvrstog materijala kao stalni objekti. Ovi objekti se moraju realizirati u sklopu građevinskih linija, a njihova bruto građevinska površina se uzima u obzir prilikom utvrđivanja stvarnog koeficijenta i procenta izgrađenosti za odgovarajuću parcelu.
- Ukoliko je za uspostavljanje portirске službe neophodna izgradnja posebne portirnice ista ne može preći horizontalnu dimenziju 4,0 x 4,0 m i spratnost prizemlja. ortirnica može biti građena izvan građevinske linije ali ne preko regulacione linije.
- Nivelete pješačkih saobraćajnica kao prilazi i ulazi u sve objekte moraju biti isprojektovani i izvedeni sa nagibima koji omogućavaju nesmetano kretanje hendikepiranih lica.
- Za sve objekte projektna dokumentacija mora biti izrađena prema uslovima predviđenim za 8 stepeni MCS.
- Pri izdavanju odobrenja za građenje arhitektonskih i drugih objekata potrebno je pribaviti geološki nalaz i uslove temeljenja od stručnih institucija, a statički proračun objekata mora se dimenzionisati za potrebe najmanje 8 stepeni MCS.

Član 5.

Ovim Planom utvrđene su kategorije zelenila:

1. Linijski sistem zelenila-aleje uz saobraćajnice i vodotoke
2. Zelene površine uz privredno-poslovne objekte.
Površine utvrđene kao neke od ovih kategorija ne mogu se koristiti za druge namjene a niti se mogu graditi objekti koji nisu u skladu sa funkcijom koju ta kategorija zelenila treba da ostvari.

Izgradnja i uređenje zelenih površina vrši se u skladu sa prethodno pribavljenom odgovarajućom dokumentacijom.

Uslovi za izgradnju kategorija zelenila:

- uz saobraćajnice formirati jednodrednu aleju sa stablima visine 10,0-15,0 m
- uz privredno-poslovne objekte treba koristiti visokoatraktivne elemente, sve tri vegetacione etaže

upotpunjene sa elementima urbanog mobilijara-klupa, korpa, rasvjeta, oglasni pano i sl. Minimum zelenih površina u okviru parcela predviđenih za izgradnju privredno-poslovnih objekata iznosi 20,0% od površine parcele.

- izgradnja i uređenje zelenih površina vršiće se u skladu sa izvedbenom dokumentacijom koja mora biti u skladu sa Planom.

Član 6.

Objekti za sklanjanje stanovništva i materijalnih dobara kao i drugi objekti za potrebe NO i CZ trebaju se graditi na osnovu važećih propisa iz oblasti NO i CZ.

Član 7.

Površine za parkiranje, odnosno za garažiranje vozila utvrđene su Planom-faze saobraćaja. Investitor je dužan da obezbijedi površine za parkiranje i garažiranje na dodijeljenoj građevinskoj parceli prema važećim normativima.

U toku preglednosti se ne smije saditi srednje i visoko rastinje niti postavljati instalacije i objekti koji ugrožavaju preglednost raskrsnice.

Član 8.

Svaka parcela pojedinačno mora biti ograđena ogradom tako da visina ne može biti manja od 2,0 m i mora biti transparentna, a ovisno po potrebama i osvjetljena.

Sve reklame i reklamni panoi moraju biti unutar prostora koji je definisan regulacionom linijom.

Član 9.

Izgradnja većih objekata vršiće se na osnovu urbanističkog projekta skraćenog sadržaja sa idejnim arhitektonskim rješenjem.

Član 10.

Postojeći individualni stambeni objekti mogu se rekonstruisati i proširiti (dograditi i nadograditi) u korist poslovno-proizvodnog prostora zadržavajući jednu stambenu etažu.

Član 11.

Građenje se može vršiti isključivo na prethodno uređenom zemljištu.

Član 12.

Za sve objekte sa poslovno-proizvodnom namjenom koji ugrožavaju ili mogu ugroziti sredinu potrebno je u postupku izdavanja urbanističke saglasnosti pribaviti prethodnu saglasnost Federalnog ministarstva prostornog uređenja i Ministarstva industrije u skladu sa Pravilnikom o izmjeni i dopuni Pravilnika o posebnom režimu kontrole djelatnosti koje ugrožavaju ili mogu ugroziti sredinu ("Službeni list SRBiH", broj 26/88).

Član 13.

Planirane parcele moguće je zavisno od potrebe potencijalnih investitora cijepati ili spajati više parcela, pri čemu se ne može remetiti saobraćajni koncept.

Član 14.

Sve građevine neophodne za odvijanje tehnološkog procesa moraju biti realizirane unutar građevinskih linija.

Član 15.

Građevina, građevinski radovi i namjena, odnosno tehnološki proces ne smiju ugrožavati okoliš, odnosno prirodne i stvorene vrijednosti.

Građevina, građevinski radovi i namjena moraju obezbijediti osnovne uslove za život i rad ljudi koji ih koriste, te ne smiju dovoditi u opasnost zdravlje i bezbjednost ljudi ili na drugi način uslove života i rada.

Građevina, građevinski radovi i namjena ne smiju remetiti korištenje susjednih građevina i sadržaje koji se vrše u

građevinama izgrađenim u skladu sa propisima u odnosu na djelatnost koja se u njima vrši.

Član 16.

Potrebe za sadržajima društvene infrastrukture mogu se realizovati u prizemlju objekata koji se nalaze u stambeno-poslovnoj i proizvodnoj zoni, ukoliko se zbog tehničkih procesa pojavljuje veći broj ženske radne snage te se omogućava izgradnja obdaništa i jaslica.

Član 17.

U poljoprivrednoj proizvodnji moguća je proizvodnja zdrave hrane-povrća i voća kao i manji pogoni za njihovu preradu, zatim proizvodnja rasadnog materijala voća, povrća, cvijeća i drugog ukrasnog bilja (u staklenicima i plastenicima).

Član 18.

Ukoliko vlasnici parcela imaju interes da svoje parcele koriste kao sportsko-rekreacione površine isto se omogućava pod uslovom da se izradi urbanističko rješenje za realizaciju takvih objekata.

Član 19.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-23.1-9109/05
22. decembra 2005. godine
Hadžići

Predsjedavajući
Općinskog vijeća Hadžići
Nijaz Musić, s. r.

Na osnovu člana 29. Zakona o lokalnoj samoupravi - Prečišćeni tekst ("Službene novine Kantona Sarajevo", broj 22/00), člana 9.11. Izbornog zakona BiH ("Službeni glasnik BiH", broj 23/01, 7/02, 9/02, 20/02, 25/02, 4/04, 20/04, 25/05, 52/05 i 77/05) i člana 32. Statuta Općine Hadžići - Prečišćeni tekst ("Službene novine Kantona Sarajevo", broj 29/05), Općinsko vijeće Hadžići na Jedanaestoj sjednici, održanoj dana 22. decembra 2005. godine, donosi

ODLUKU

**O VERIFIKACIJI MANDATA VIJEĆNIKA U
OPĆINSKOM VIJEĆU HADŽIĆI**

Član 1.

OSMANU ŠEHICU - verifikuje se mandat vijećnika u Općinskom vijeću Hadžići kao slijedećem kvalificiranom kandidatu sa liste Stranke demokratske akcije.

Član 2.

Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-01.2-9325/05
22. decembra 2005. godine
Hadžići

Predsjedavajući
Općinskog vijeća Hadžići
Nijaz Musić, s. r.

OPĆINA ILIDŽA

Općinsko vijeće

Na osnovu člana 3. Zakona o komunalnim taksama ("Službene novine Kantona Sarajevo", broj 30/01 - Prečišćeni tekst, 34/01 - ispravka, 7/02 - ispravka, 36/05), Općinsko vijeće Ilidža, na sjednici održanoj 29. decembra 2005. godine, donosi

ODLUKU

**O VISINI KOMUNALNIH TAKSA NA PODRUČJU
OPĆINE ILIDŽA**

Član 1.

Ovom odlukom utvrđuje se visina komunalnih taksta (u daljnjem tekstu: takse) po predmetima i uslugama na području općine Ilidža u skladu sa Kantonalnim zakonom o komunalnim taksama.

Član 2.

(I) Za svaku istaknutu firmu, oznaku, obilježje ili natpis na poslovnim i drugim prostorijama, objektima i mjestima, kojim se označava da određeno pravno ili fizičko lice obavlja izvjesnu djelatnost ili zanimanje na području općine Ilidža, utvrđuje se godišnja taksa u iznosima kako slijedi:

	KM
1. iz oblasti distribucije nafte i naftnih derivata	5.000
2. iz oblasti proizvodnje i prerade duhana	5.000
3. iz oblasti proizvodnje alkoholnih pića i piva	5.000
4. iz oblasti proizvodnje bezalkoholnih pića	2.000
5. iz oblasti telekomunikacija (sjedište)	10.000
6. iz oblasti telekomunikacija (izdvojene lokacije van sjedišta)	2.000
7. iz oblasti bankarstva (sjedište, podružnice, filijale, ekspoziture i sl.)	10.000
8. bankomati i izdvojeni šalteri banaka	1.000
9. iz oblasti poštanskih usluga (sjedište)	5.000
10. iz oblasti poštanskih usluga (izdvojene lokacije)	500
11. iz oblasti poštanskih usluga (izdvojeni šalteri)	300
12. iz oblasti osiguranja i reosiguranja (sjedište)	10.000

13. iz oblasti osiguranja i reosiguranja (filijala-podružnica)	1.500
14. iz oblasti osiguranja i reosiguranja (izdvojeni šalteri).	500
15. iz oblasti igara na sreću i to:	
a) lutrija, loto, sportska prognoza, TV bingo (sjedište pravnog lica)	15.000
b) lutrija, loto, sportska prognoza, TV bingo (svaka druga lokacija)	2.000
c) kasino (sjedište)	12.000
d) kasino (svaka druga lokacija)	2.000
e) sportske kladionice (sjedište)	12.000
f) sportske kladionice (svaka druga lokacija)	2.000
g) tombola i bingo u zatvorenom prostoru	5.000
16. aparati za samoposluživanje u stalnim prodajnim mjestim	300
17. aparati za samoposluživanje na ostalim lokacijama	200
18. iz oblasti proizvodnje i distribucije električne energije (sjedište)	1.500
19. iz oblasti proizvodnje i distribucije električne energije (podružnice ili službe)	500
20. iz oblasti proizvodnje električne energije u mini elektranama	200
21. iz oblasti vanjske trgovine i trgovine na veliko	500
22. tržni centri, hipermarketi	5.000
23. tržnice i pijace	1.500
24. iz oblasti trgovine na malo koja se obavlja u kioscima	200
25. iz oblasti trgovine na malo koja se obavlja u ostalim prodajnim mjestima	300
26. iz oblasti ugostiteljstva - hoteli	1.200
27. iz oblasti ugostiteljstva - moteli i pansioni	1.000
28. iz oblasti ugostiteljstva - ostali objekti	500
29. u prevozu robe motornim vozilima	100
30. u prevozu putnika	300
31. u prevozu putnika taxi automobilima	50
32. u advokatskoj djelatnosti	1.000
33. privatna zdravstvena zaštita	1.000
34. samostalne zanatske radnje	50
35. iz oblasti ostalih nespomenutih djelatnosti	100

(2) Ako se pod jednom firmom obavlja više djelatnosti za koje je propisana različita taksa, taksa se razrezuje i plaća za